

41нчи ракамли «Хуррият»да газетани давом килдирмок учун ноширлари тарафиндан берилгон карор ва обуна олмок тўғрисида маним Каттакўргонга юборилмоклигим ёзилгон эди.

Мана, мазкур карордан бир неча кун ўтгандан сўнгра хусусий ишларимни биткуриб, 20нчи ўктябрда Каттакўргонга бормок учун йўлга чикдим.

Вагунда 2-3 бухорий ва бир эроний ила йўлдош бўлдим. Поезд жўнамасдан бурун русча-мусулмонча турли газеталар сотгучи бир русдан бир дона «Очик сўз» газетасини сотиб олдим ва баъзи мухимрок ўринларини (йўлдошларимнинг илтимослари бўйинча) ўкуб бердим. Шул муносабат билан эроний йўлдошимиз ила сўзга киришуб, уруш хабарлариндан ва урушгучи давлатларнинг вазият ва холлариндан хейли сўйлашиб олдик.

Эроний йўлдошимизнинг замона ахволиндан хабардор, дин ва дунёдан хейли маълумотлик зот эканлиги сўзлариндан билинур эди. Шунинг учун анинг билан сухбатимиз кизиб колди, турли бойлардан таъоти афкор этдук. Олами исломнинг таданнисидан ва анинг сабаблариндан, лекин бу сўнг йилларда ислом оламинда ҳам бир оз интибох пайдо бўлуб, баъзи ўлкаларда мусулмонлар уйгона бошлагонлариндан, Мисрда шайх Жамолиддин ва Мухаммад Абдухлар, бошка ўлкаларда ҳам шуларга ўхшаш неча улуг мужаххид кишилар, дохий ва файласуфлар чикиб, мусулмонларни уйготмок учун килгон гайрат ва ижтиходларини бир-бир сўйлашиб ўтдук.

Бир вакт ёнимиздаки бухорий йўлдошларимизга карасак, онлар хур-хур ухлаб колиблар.

Киторимиз ҳам Каттакўргонга якинлашибдир. Нарсаларни йигиб бўлуб, вагун тризасиндан бошимни чикариб ушбу йил ёмгурсизликдан экин бўлмагон ерларга карамок ила баробар турли фикрларга чўмуб кетдим. Зотан ёмгур кўб ёггон йилларда ҳам Туркистоннинг экинлариндан хосил бўлгон донлар ўз ахолисига зўрга етишур эди. Бу йил ёмгурсизликдан экинларнинг баракаси учуб, ўлкамиз кимматчилик устинда кахатчиликга ҳам дучор бўлди. Бу жихатдан кашшок ва камбагаллар, бева ва бечораларнинг тирикчи-лиги ниҳоятда огирлашди. Аммо буржуйлар, инсофсиз савдогарлар бу фурсатдан мингларча-миллионларча истифода килдилар ва килмокдалар.

Биз бойларимизнинг акча кўпайтурмокларига бахил ва хасад килмаймиз. Ёки дунё топмакни ёмон ва мазмун бир иш деб эътикод этмаймиз. Балки бизнинг бу сўзларимиздан муддаомиз бойларимизнинг кашшоклар холларига тараххум этмасликлари ва унларга шафкат ва мурувват кўрсатмасликларини айтиб ўтмакдир. Бой ва кашшок, табиий, хар ўлка ва хар миллатда бор. Мутамаддун миллатлар орасиндан бойлари кўб бўлуб, кашшоклари оздур. Аммо бизларнинг ярим маданий бўлгонимиз учун бойларимизга нисбатан кашшокларимиз ниҳоятда кўбдур. Бизлар билан маданий миллат орасиндан кўнгилни ачитатургон яна бир айирма шуки, унлар ўз кашшокларини кичикликдан бошлаб тарбият килалар, ўкуталар, одам килалар. Ва бу йўл билан ўз факирлик томуруни куруталар, мана шунинг учун маданий миллатлар орасинда факирлар кундан кун озаймакдадур ва гадоилик каби манфур одат йўк бўлмокцадур.

Энди бизлар ўз холларимизга бир йўла карасак, кўрамизки, бизнинг динимиз ислом факирларга бокмок тўгрисиндан турли йўллар кўрсатиб буйруklar килгондир... Хатто бойларга закот фарз килгонлигининг фалсафа ва хикматлариндан бириси, факир ва мискинларга мурувват этмакдир.

Мана мен ушбу фикр денгизинда чўмокда эдимки, киторимиз Каттакўргон мавкеъига етишиб кодди. Йўлдошларим билан хайрлашиб вагундан тушдим, Каттакўргондаги ёшлардан кадрлик дўстим Махбубхон афандининг манзилларига бордим.

Каттакўргон ахволиндан маълумот олмогим тўгрисинда менга рахбарлик этгучи мухтарам Махбубхон афанди бўлгонлари учун энг аввал бу зотни «Хуррият» ўкувчиларига озгина танитиб ўтмокчи бўламан:

Махбубхон афанди Каттакўргон улугзода ва бойбаччалариндан очик фикрлик бир зотдир. Мен мундан илгари (11нчи йил ноябр ойиндан 14нчи йилнинг сентябригача) тақрибан уч йил Каттакўргон руский-туземний мактабинда муаллимлик килгоним вақтларда ҳам доим бу киши билан суҳбатдош бўлуб тургон эдим.

Яна букун мазкур афанди билан кўрушмакни Худо насиб килгон экан. Ховлиларига бориб кўришдук. Ахвол сўрашиб ва бир-икки пиёла чой ичишиб бўлгондан сўнг бу ерда на мақсад билан келганлигимни англатдим. Бу муносабат билан Каттакўргоннинг «Хуррият»дан кейин кечирган холлариндан ва хозирги холиндан маълумот олмок

орзусинда бўлгонимни ҳам биддирдум.

Махбубхон афанди Каттакўргоннинг турли ахволиндан хейли маълумот бердилар. Сўзлариндан англашиладурки, инкилобдан сўнгра Туркистон ўлкасининг ҳамма еринда бўлгон ўзгаришлар бу ерда ҳам бўлуб ўтибдурки, бу табдилотнинг сиёсий, маданий ва диний жихатлариндан биз мусулмонларнинг лозиминча истифода килурга истеъдодсизлигимиз ва ҳаракатсизлигимиз кўринуб турубдур. Бу инкилобдан кейин Русиядаги турли миллатлардан кўбиси ўзларининг истеъдод ва ҳозирликларига иш кўрдилар ва кўрмакдадурлар.

Маданий ҳозирликлари мукамалроқ бўлгон миллатлар (финлар ва украинлар каби) Русия инкилобиндан кейин ўзларига оид ишларни ўз қўлларига олмок ҳаракатинда бўлдилар ва ўз мақсадларига ҳам етиша бошладилар. Модомики, бизларнинг маданий ҳозирлигимиз йўқ эди, яъни ушбу замонга ярайтургон билги ва онгимиз йўқ эди, хуррият неъматлариндан керагинча истифода килолмай турамыз.

Саккизинчи сентабрда Каттакўргонда шаҳар думасининг сайлови бўлуб ўгубдур. Бу сайловда уламо, бойлар ва ёшлар муттафакан бир рўйхат тузганлари сабабли сайлов гавгосиз ўтубдур. Аммо бу сайловда хотунларнинг иштирокига ижозат берилмабдур. Холбуки, хотунлар ҳам инсон болалари эди, уларнинг ҳам бу сайловга иштирок этмоқга ҳақлари бор эди. Шаҳар думаси очилгондан кейин гласнийлар полковник Роес жанобларин шаҳар раисликига ўтқарибдирларки, бу ишлари ниҳоятда муносиб ва ўрунли бўлуб тушубдир. Чунки полковник Роес тақрибан ўн йилдан бери Каттакўргонда ҳоким бўлуб, бу орада аҳолига яхши муомаласи билан ўзини севдирган ақллик ва тадбирлик тўғри бир кишидир.

Мен уч йил Каттакўргонда тургон вақтимда ҳам бирон кишининг мундан шикоят килгонини эшитмаган эдим. Сурушдируб англагонимизга кўра, бу ҳокимнинг халқ қошинда бу даражада мақбулият касб этгонлигининг сабаби ва ҳокимнинг фазилатлариндан баъзиси шу экан:

Полковник Роес жаноблари ҳеч бир тўғрида ҳеч кимдан ришват олмас экан. Доим бой ва кашшокни бир кўриб, бировнинг риояи хоотири учун бошқа бировга зулм ва жабр килмас эканлар. Миссионерлик фикри ва ҳаракатида бўлмас экан.

Вокеан, бир киши золим ва мустабид Николай замонинда шунча яхши сифатли бўлгон эса унинг хидматларини такдир этмаслик ва унга кадршинослик юзиндан мукофот бермаслик инсоният сифатлариндан бўлмаса керак.

Мен 6 йил бурун Каттакўргонга муаллим бўлиб боргонимда бошлаб шу хокимнинг қошига кирган эдим.

Хоким меним кимлигимни, нима учун келганлигимни сўраб жавобни олгондан сўнг шу мазмунда насихат ва таълимот берганлиги хануз эсимда бор: «Эшитаманки, Самаркандда мулло Абдукодир деган бир муаллим усули жаид мактаби очиб болаларни яхши ўқутмоқда экан. Сиз ҳам ўшал муаллим каби болаларни яхши ўқутингиз. Болаларга шундай муомала килингизки, улар ҳам сиздан кўрсунлар ва ҳам сизни севсунлар».

Мен умримда бир рус оғзиндан мундай тўғри ва хайрихоҳона сўзларни биринчи дафъа эшитганим сабабли ниятда шодлангон ва руслангон эдим.

Каттакўргонда илгари татар кардошларимизнинг мунтазам бир мактаблари бор эдики, бу мактаб ҳозирда ҳам давом килмоқда экан.

Каттакўргонда ерли аҳоли учун хануз янги бир мактаб очилмагонлиги сабабли баъзи кишилар ўз болаларини мазкур татар мактабига элиб қўймоқда эканлар.

Инкилобдан кейин бу ерда уламою агниё ва ёшлар тарафидан «Равнак ул-ислом» исминда бир жамият очилгон бўлса ҳам, бу катта жамиятнинг улуг химмати кичкина бир «кироатхона» очмок билан тамом бўлгонга ўхшайдур. «Кироатхона»сини ҳам бориб кўрдум. 60—70 кадар мусулмоний, мундан ортукрок русча турли рисола ва китоблари ва 10-15 турли мусулмоний ва русий мажмуалари бор экан. Аммо бу нарсаларни ўқиятургон киши йўқ деярлик даражада оз кўринадир. Сабаби бўлса...маълум...

Самаркандда катта бир шаҳарнинг кироатхонаи исло-мияси ўн йилдан бери давом этиб ўзининг кундалик муталаачисини хануз ўн нафарга еткура олмагонда Каттакўргон

кироатхонаси ўз мутолаачиларини нечук кўпайтирсун?

Барчага маълумким, бизнинг халк аксарият илмсиз бўлиб, илмчилари орасинда бўлса фикри очилгони юзда бир нисбатда оздир. Мунинг устинда, баъзи ёшлар ҳам ўзлари учун хусусий газета ва китоблар тадорик этиб кироат-хонага у кадар эҳтиёжлари йўқдур. Энди бу холда кироат-хона учун мутолаачилар каердан келур?

Мана шунинг учун керакким, хар ерда кироатхонадан бурун мактаблар очилсун, фикри очик мутолаачилар етишдурулсун. Ундан кейин табиий кироатхона очмокга эҳтиёж тушар.

Агарда бизнинг «Марваж ул-ислом» ва «Равнак ул-ис-лом» исмли жамиятларимизнинг чин максадлари исломга ривож ва равнак бермак ва мусулмонларни тараккий этдурмак бўлса, бошлаб мунтазам мактаблар очсунлар, сўнгра эски мадрасалардан фойдасиз хошияларни чиқариб, аларнинг ўрнида кераклик илм ва фанларни киргузсунлар ва бу йўл билан мусулмонларни маорифдан бахраи об этиб, жаҳолатдан кутқарсунлар. Шул холда дини мубини ислом ривож ва равнак топар. Мусулмонлар ҳам, шаксиз, икки дунёда масъуд бўлалар. Йўкса, жамиятларимизнинг ёлгуз тумтарокли исмлар такиб юрмаклари авом орасинда кўз бўёвдан иборат бўлиб, бечора мусулмонларни икки жаҳон оввораси килмокдан бошка фойдаси бўлмаса керак.

Шу хакикат ҳам маълумдирким, дунёда илмсиз ҳеч бир миллатнинг, илмсиз ҳеч бир диннинг тараккий ва ривож топганлигини тарих кўрсатмайдир.

*«Хуррият» газетаси, 1917 йил, 29 декабрь*